



KEMENTERIAN PERDAGANGAN DALAM NEGERI
DAN KOS SARA HIDUP

Keratan Akhbar

Berita Online

i

24 JAM

BERITA

KPDN

KERATAN AKHBAR & BERITA ONLINE

Untuk makluman:

- | | |
|-----------------------|---------------------|
| ● YB Menteri | ● YBhg. TKSU (PPDN) |
| ● YB Timbalan Menteri | ● YBhg. TKSU (PP) |
| ● YBhg. KSU | ● Setiausaha Akhbar |

Tarikh: 15 APRIL 2024



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR **UMUM**

Subsidi bersasar lonjak kos sara hidup?

Oleh FITRI NIZAM
fitrinizam@mediamulia.com.my

PETALING JAYA: Pakar ekonomi melahirkan kebimbangan terhadap lonjakan kos sara hidup pada suku tahun kedua tahun ini apabila kerajaan mengambil keputusan memperkenalkan subsidi bersasar membabitkan minyak petrol RON95 yang kosnya menelan belanja RM24 bilion setahun.

Hal ini disebabkan kos sara hidup di Malaysia banyak bergantung kepada pemberian subsidi minyak yang selama ini diberikan kerajaan secara pukal kepada seluruh latar belakang masyarakat di negara ini.

Bercakap kepada *Utusan Malaysia*, Pensyarah Kanan Ekonomi Universiti Teknologi Mara (UiTM), Dr. Bashir Ahmad Shabir Ahmad berkata, penarikan semula subsidi secara pukal tersebut dijangka akan mengundang implikasi terutamanya terhadap kos harga barang di pasaran.

Menurutnya, ia disebabkan hanya golongan tertentu sahaja yang akan menikmati faedah subsidi minyak petrol RON95 apabila subsidi bersasar dilaksanakan tidak lama lagi.

Sedangkan, katanya, minyak petrol adalah nadi utama pengangkutan digunakan golongan peniaga yang boleh dikatakan digunakan dalam operasi harian masing-masing.

"Apabila sebahagian daripada golongan peniaga yang sebelum ini menikmati subsidi pukal tetapi tidak layak dalam konteks subsidi bersasar, sudah pasti ia akan memberi kesan kepada kos operasi harian mereka.

"Sudah tentu apabila kos operasi golongan peniaga ini meningkat, mereka akan cuba alihkan beban tersebut kepada pengguna melalui kenaikan harga barang," katanya ketika dihubungi semalam.

Beliau berkata, kenaikan harga minyak akibat pemansuhan subsidi pukal ditambah dengan kesan kenaikan cukai sehingga lapan peratus terhadap industri pengangkutan, sudah pasti memberi impak terhadap peniaga.

Justeru, katanya, dalam kon-

“
Apabila sebahagian daripada golongan peniaga yang sebelum ini menikmati subsidi pukal tetapi tidak layak dalam konteks subsidi bersasar, sudah pasti ia akan memberi kesan kepada kos operasi harian mereka.

DR. BASHIR AHMAD SHABIR AHMAD

teks pelaksanaan subsidi bersasar kenaikan harga barang sudah pasti tidak dapat dielakkan akibat golongan peniaga sudah tidak lagi menikmati subsidi khususnya minyak RON95.

"Apabila kos harian mereka meningkat akibat pemansuhan subsidi jadi peniaga terpaksa menaikkan harga barang supaya mendapatkan semula keuntungan seperti sebelum ini."

"Suka saya ingatkan bahawa jika harga barang meningkat, ia bukan saja memberi kesan kepada pengguna seperti golongan B40 dan M40, namun implikasinya dirasai oleh seluruh rakyat Malaysia. Ia bersifat menyeluruh meliputi seluruh ekosistem," katanya.

Tahun lalu, Menteri Ekonomi, Rafizi Ramli mengumumkan bahawa kerajaan akan melaksanakan program subsidi bersasar RON95 pada separuh kedua tahun ini selepas pendaftaran sistem Pangkalan Data Utama (PADU) diselesaikan.

Beliau dalam program lain menyatakan bahawa kerajaan terpaksa menanggung kos subsidi minyak RON95 sebanyak RM2 bilion sebulan atau RM24 bilion setahun sekiranya pelaksanaan subsidi bersasar ditanggungkan.

Beras tempatan sekampit RM26 cuma mimpi - Syed Abu Hussin

Oleh MUHAMAD AIDIEL
ASYRAAF ZABIDI
asyraaf.zabidi@mediamulia.com.my

PETALING JAYA: Petugas Khas Pemantauan Kluster Makanan Majlis Tindakan Sara Hidup Negara (NACCOL) mendakwa dari pada 100 lokasi yang dikatakan menjual beras putih tempatan pada harga RM26, hanya 15 lokasi didapati menjual beras gred tersebut, itupun dalam jumlah yang sedikit.

Ketuanya, Datuk Syed Abu Hussin Hafiz Syed Abdul Fasal

“
Permintaannya sangat tinggi membuatkan beras tersebut seperti pisang goreng panas dan mustahil untuk dapat harga untuk dapat harga tersebut sekali lagi.”

berkata, setiap 15 lokasi tersebut didapati menjual 100 hingga 200 kampit sahaja.

“Dengan bilangan yang terhad, permintaannya sangat tinggi membuatkan beras tersebut seperti pisang goreng panas dan mustahil untuk dapat harga tersebut sekali lagi.

“Sudah enam bulan kita ketiadaan stok beras putih tempatan, sudah tentu apabila ia dijual pada harga begitu, ramai berpusu-pusu beli. Namun, pasar raya mengehadkan pembelian maksimum

dua kampit beras untuk satu keluarga,” katanya kepada *Utusan Malaysia*.

Seluruhnya, Syed Abu Hussin menggesa Seksyen Kawal Selia Padi dan Beras di bawah Kementerian Pertanian dan Keterjaminan Makanan supaya mengedarkan beras tempatan ke seluruh negara susulan ketiadaan bekalan tersebut di kebanyakan pasar raya.

Beliau juga mengarahkan semua stok semasa padi dan beras yang telah dibeli oleh pengilang berjumlah 140,000 tan diproses

dan dikeluarkan untuk kegunaan pasaran tempatan dengan serta-merta.

Dalam pada itu, Syed Abu Hussin Hafiz memberitahu, harga beras sekampit RM26 itu sudah tidak logik pada hari ini.

“Ketua Pengarah Kawal Selia Padi dan Beras, Datuk Azman Mahmood memberi jaminan akan mengedarkan beras putih tempatan, namun apa yang terjadi kini menghampaskan.

“Saya anggap beras putih tempatan pada masa kini sudah ‘tidak wujud’,” katanya.

Beras tempatan: Utamakan kepentingan 33 juta rakyat?

MARAN: Kerajaan diminta mengambil kira kepentingan lebih 33 juta rakyat dalam menyelesaikan isu ketiadaan beras putih tempatan (BPT) di pasar berbanding 'kelompok kecil' dalam industri beras negara.

Persatuan Beras Bumiputera Malaysia (Barim) bimbang rakyat boleh bertindak di luar batasan dan membelakangkan undang-undang jika hilang sabar ekoran ketiadaan BPT di pasaran.

Bercakap kepada *Utusan Malaysia*, Presiden Barim, Ismail Awang berkata, isu ketiadaan BPT dan harga beras import melambung tinggi menyebabkan kehidupan rakyat bertambah susah disebabkan kenaikan kos sara hidup.

"Kerajaan wajar melihat asas kepentingan 33 juta rakyat, bukan hanya mengambil kira 'kelompok-kelompok kecil' industri ini."

"Jika berterusan tanpa penyelesaian, tidak mustahil rakyat boleh bertindak di luar jangka seperti membuat demonstrasi sebagai protes kepada kerajaan kerana lambat menangani isu BPT," katanya.

Baru-baru ini, *Utusan Malaysia* melaporkan, pembelian padi yang tiada had menyebabkan hanya 11 kilang padi milik orang Melayu masih bertahan daripada 220 kilang padi berdaftar di bawah Lembaga Padi dan Beras Negara (LPN).

Kebanyakan pengilang padi Melayu 'lingkup' kerana mereka tidak mampu bersaing dengan pengilang besar yang mampu membeli padi dengan harga lebih mahal dan dalam jumlah banyak sehingga 120,000 tan metrik sekali gus.

Setiausaha Persatuan Pengilang Beras Melayu Malaysia, Musonnef Md. Radzi dilaporkan berkata, kilang-kilang besar yang dikuasai individu bermodalkan tinggi membuat pembelian padi dalam kapasiti besar dengan harga mencecah RM2,250 bagi setiap tan metrik.

Kata Musonnef, keadaan itu menyebabkan kilang-kilang Melayu 'mati' dan tidak mampu bertahan dengan harga belian padi yang tinggi manakala kapasiti padi boleh dibeli setiap kilang tanpa had.

Mengulas lanjut, Ismail berkata, saranan dibuat Yang Dipertua Dewan Rakyat, Tan Sri Johari Abdul supaya rakyat makan ubi kayu sebagai sumber alternatif karbohidrat mengantikan beras tempatan merupakan isyarat bahawa isu bekalan beras tempatan semakin kritikal dan memerlukan tindakan drastik daripada kerajaan bagi menyelesaiannya.

"Jika tidak kritikal, masakan Yang Dipertua Dewan Rakyat boleh buat saranan agar rakyat makan ubi kayu bagi mengantikan beras? Ini bukti serius bahawa industri beras negara ketika ini berada dalam masalah yang cukup besar," tegasnya.

Justeru, ujarnya, seperti dicadangkan Barim sebelum ini, kerajaan Pusat perlu segera menuhubkan Majlis Padi dan Beras Negara (MAPEN) sebagai pemangkin kepada keterjaminan makanan utama negara.

Beliau menjelaskan, kemefut isu BPT masih tiada penyelesaian mutlak sehingga kini biarpun kerajaan memutuskan melaraskan Harga Beras Putih Import (BPI) dengan menurunkan harga jualan runcit di antara RM2 hingga RM3 di pasaran bagi

pek 10 kilogram.

"Isu BPT ini terus berlarutan kerana sebab-sebab teknikal dan kemungkinan wujud konspirasi kartel yang menyebabkan rakyat marhaen terus menderita.

"Penurunan harga beras putih import RM3 seperti mana diumumkan Kementerian Pertanian dan Keterjaminan Makanan tidak menyelesaikan se-

cara keseluruhannya isu pokok iaitu BPT.

"BPT masih tiada di pasaran bahkan di tambah pula fenomena cuaca panas dan kering ketika ini di utara Semenanjung, maka akan bertambah celaru isu bekalan BPT," katanya.

Beliau mendakwa kekurangan BPT masih berlarutan kerana kegagalan Kementerian Pertanian dan Keterjaminan

Makanan mencari penyelesaian terbaik dalam isu beras padi dan benih padi.

Difahamkan, masalah kekurangan bekalan tidak seharusnya berlaku kerana Malaysia adalah pengeluar 67 peratus BPT, selain negara memiliki stok penimbang bekalan itu di lapan lokasi yang boleh menampung untuk tempoh empat hingga lima bulan.



KEMENTERIAN PERDAGANGAN DALAM NEGERI
DAN KOS SARA HIDUP

BERITA ONLINE

KPDN & AGENSI



UNIT KOMUNIKASI KORPORAT

BERITA ONLINE BERTARIKH 15 APRIL 2024

TARIKH	TAJUK	PAUTAN	MEDIA
15-Apr	Program Jualan Rahmah Aidilfitri di 302 lokasi seluruh negara	https://www.malaysiakini.com/news/701754	MALAYSIA KINI
15-Apr	Menteri turun padang betul-betul, bukan main wayang dulu-dulu	https://www.bharian.com.my/berita/nasional/2024/04/1231735/menteri-turun-padang-betul-betul-bukan-main-wayang-	BERITA HARIAN
15-Apr	KPDN lists 18 goods under Festive price control scheme from April 5-9	https://www.theborneopost.com/2024/04/04/kpdn-lists-18-goods-under-festive-price-control-scheme-from-april-5	THE BORNEO POST
15-Apr	Labuan senarai 18 barang di bawah SHMMP Aidilfitri	https://berita.rtm.gov.my/nasional/senarai-berita-nasional/senarai-artikel/labuan-senarai-18-barangan-di-bawah-shmmp-aidilfitri	BERITA RTM
15-Apr	Individu mengaku tidak bersalah beri maklumat palsu kepada pendaftar syarikat	https://www.sinarharian.com.my/article/659443/berita/semasa/individu-mengaku-tidak-bersalah-beri-maklumat-palsu-kepada-	SINAR HARIAN
15-Apr	Gred 41 dan ke bawah pinjam kerana tampung kos sara hidup	https://www.utusan.com.my/nasional/2024/04/gred-41-dan-ke-bawah-pinjam-kerana-tampung-kos-sara-	UTUSAN MALAYSIA